



DEO OPTIMO MAX.  
UNI ET TRINO,

VIRGINI DEI - PARÆ, ET S. LUCÆ,  
Orthodoxorum Medicorum Patrono.

QUÆSTIO MEDICA,  
*QUOD LIBETARIIS DISPUTATIONIBUS,*  
*manè discutienda, in Scholis Medicorum, die Jovis trigesimâ*  
*mensis Decembris, anno Domini M. DCC. XLV.*

M. LUDOVICO - RENATO DESBOIS,  
Doctore Medico, Præfide.

*An Dysenteria Ipecacuanha?*

I.



ORPUS humanum duas tantum, solidas & fluidas;  
partes agnoscit; dum inter has adest consensus, sanitas;  
è contrâ morbus, si discordia, licet omnes totius ma-  
chinæ conservationi inserviant, non est (ne credas) in  
unâquâque dignitas eadem & præstantia; illa enim spi-  
ritus elaborat, in istâ conficitur sanguis; aliæ secre-  
tionibus & excretionibus dicantur; eâ ratione in Principes & Mini-  
A

stas dividuntur. Principes duas tantum assignant Neoterici, cerebrum & cor; reliquæ dicuntur ignobiles seu ministræ, inter quas primum tenet locum ventriculus coctionis opifex. Hæc membranacea pars instar sacculi cava, in sinistro hypocondrio sita, cibos tritos jam, salivali liquore subactos sinu suo complectitur, atque perfusos gastrico, concoquit; si perfectè, fit laudabilis chylus; undè humorum & solidorum bona diathesis; si verò imperfectè concoquuntur, crassior & pravus nascitur chylus; hinc depravatio sanguinis succique nutritii, partium amierria, à quibus ferè omnes morbi, præsertim varii alvi fluxus, natales ducunt. Quique morbi à remediis mucagine repletis, vi emeticâ & purgante præditis feliciter curantur.

## II.

**U**T sanitatis, sic morborum auctor ventriculus audit; vix unus qui sua non illi debeat natalia; Dysenteria à læsâ coctione ventriculi pendet, hæc crudelis affectio, cum tenesmo levioze vel graviore, totiusque ventris torminibus, cruenta quandoque purulenta describitur egestio, quam pungens & vix sedandus subsequitur dolor; triplicem sanguinis evacuationem Veteres agnoscebant dysentericam, sed improprie, unica tantum, quam pungens & lacerans concomitatur dolor.

## III.

**D**YSENTERIA ab affectâ parte nomen habens, dicitur nonnunquam intestinorum Helcôsis, cujus comites, inflammatio, dolor & febris; ineunte morbo, bilem primum, dein mucosam reddit ælvus pituitam, cui subpinguis, dum ulcus adest, succedit materia. Post hæc, ramenta prodeunt interioresve laceræ intestinorum tunica; propria tandem illorum abraditur substantia, quæ putris cum purulenta profluvie prodit. Inter hæc omnia cruor paulatim & brevibus intervallis, per alvum manat, isque modò cum excrementis, modò cum mucosis purulentisque quibusdam corpusculis excernitur. Multus in ano dolor, magna, frequens & inanis sæpè desidendi cupiditas; cum quid exit exiguum, ventris tormina intenduntur, postea mitescunt paululum; rursus acri sæviente humore, pejora redeunt. In quo intestino delirescit malum, ex sanguinis cum fecibus commixtione, & ex situ doloris conjicere licet; si suprâ umbilicum sæviat, & exquisita sit commixtio, in tenuibus intestinis focus & minera morbi; si infrâ umbilicum & ferè nulla sit commixtio, in crassioribus latitat. Innumera penè in dysenterico affectu occurrunt symptomata, quæ varia, pro succi peccantis indole; in uno circâ regionem cordis acer-

rimus dolor, pectoris angustia, anhelitus interceptio, talisque, ut brevi perituum credas, in altero virium & appetitus prostratio, nausea, vomitus; in hoc sitis inexplibilis, calor adurens, aut glaciale frigus, syncope; in illo febris intensa, pertinaces vigilie, anxietas, perturbatio mentis, aliaque id genus. Nullaque remedia adeo feliciter hæc crudelia symptomata compescunt, quam Ipecacuanha, observatis observandis; etenim ano & cato causam foventem expellit, & partibus mucilaginosas erosas illinit.

#### IV.

**D**YSENTERIÆ crudele symptoma, sed non magis pertimescendum, dolor; dum viget, spes adhuc salutis; è contrà tollitur, si derepentè cesset, superveniente extremorum glaciale frigore, debili existente pulsu, linguâ aridâ & nigrâ, cum frequenti singultu, & calore præternaturali adurente præcordia, tunc temporis declamatum est; tum sævientis mali periculum, non modò pars declarat affecta, sed & vitiosus humor, ulcerisque cacoethia. Ulcus si gracili insideat intestino, vix coalescit; crassum, si penitus depascatur, lethale. Ab atrâ bile natum, sicut cancer occultus infert perniciem. Hujusce dysenterici affectus procatarticae causæ, cibi, potus & aër, quibus stat hominum vita. Aër vitæ necisque arbiter, si purus, sanitatem conciliat; lædit verò destruitque infectus pravis putrescentium corporum miasmatis, eorumque tetrâ mephiti. Tunc morbus ille contagionis particeps, & popularis epidemicè grassatur, nemini ferè non nocens. Cui pariter morbo immoderatus fructuum horariorum usus, nimia cibi & vini ingurgitatio, vel aquæ, quas liberior aura non verberat, ansam præbent, ex iis præcipuè fontibus manat bilis flava, viridis & atra, sicut acris & salsa pituita, proximæ & internæ affectus dysenterici causæ.

#### V.

**M**ULTIPLEX licet Dysenteriae causa, unicum huic expugnandæ medicamen specificum, una medendi methodus. Quæ à bili flavâ vel viridi, bulliente in venis sanguine, pleno pulsu cum acutâ febre, aliisque concomitantibus symptomatibus, radici Brasiliensi cedit, celebratâ prius & reperitâ, si expediât, venæ sectione: cedit pariter illa quæ à falsâ & acri primas infarciende vias pituitâ, ducit originem. Hæc, præstantissimum naturæ munus Brasiliensis Provinciæ incolis concessum, data opportuno tempore, & conveniente dosi dysentericos fluxus aliosquæ complures potentèr expugnat. Nec mirandi locus: cum stabulantem in stomacho bilem, vel pituitam per

superiora, aut utramque in intestina labentem per inferiora repurget: vacuatâ sic peccantium humorum saburrâ mitescit dolor, cessat febris, & adstringitur alvus; ast si diutius inhaerint intestinorum fibris peccantes succi, & ulcus his intulerint, radix sola morbo non medetur prorsus: quapropter anodyna præsto sint; proderit enema leniens, detergens & mundificans; confert portio cardiaca somnum concilians; confert & lene catharticum; quisquis ergo Dysenteriam laborans, & vitæ cupidus, ad radicem Brasiliensem, Ipecacuanha vernaculo nomine dictam, velut ad sacram salutis anchoram confugiat, excellens hoc medicamen, omnibus amicum, pueris prodest, senibusque nec gravidis nocet.

*Ergò Dysenteriae Ipecacuanha.*

DOMINI DOCTORES DISPUTATURI.

*M. Ludovicus Pathiot.*

*M. Claudius-Carolus de Jean.*

*M. Ludovicus-Claudius Bourdelin, Antiquus Facultatis Decanus, Regie Serenitatum Academiæ Socius, & in Horto Regio Chimie Professor.*

*M. Franciscus-Nicolaus Gautier.*

*M. Franciscus-Felicitas Corbu, utriusque Pharmacie Professor.*

*M. Michael-Ludovicus Vernoge, Censor Regius.*

*M. Franciscus Bidault.*

*M. Ludovicus-Florentius Bellot.*

*M. Jacobus-Antonius Millet.*

Proponerebat Parisiis, DIONYSIUS PAUTIER DE LABREULHE, Inculismensis, Saluberrimæ Facultatis Medicinæ Parisiensis Baccalaureus, A. R. S. H. 1745, à sextâ ad meridiem.